



## The Holy See

---

**IOANNES PAULUS PP. II LITTERAE APOSTOLICAE QUONIAM CONSCII** APUD CIVITATEM DOMINICAE  
**APOSTOLICA EXCITATUR NUNTIATURA** Ad perpetuam rei memoriam. – Quoniam conscii quidem Nobis universalis  
Nostri muneris procurandi hominum cunctorum salutem aeternam sedulo conferimus animi studium apostolatusque opus  
ad tutanda religionis ipsius ac societatis civilis bona per orbem terrarum, idcirco etiam dedita opera consuetudinem  
Apostolicae Sedis observamus, qua varus ea in Nationibus iam pridem curavit legationes suas et Nuntiaturas  
constituendas unde publicae coniunctionis vincula inter eas Civitates ac Sedem Apostolicam contracta roborarentur  
immo et magis usque prosperarentur in utriusque profecto partis emolumentum. Hac eadem de causa nunc ipsum ex  
consilio Sacrae Congregationis pro Gentium Evangelizatione, cuius est Nobis omnino probata sententia, de Apostolicae  
potestatis Nostrae plenitudine ac Litterarum harum virtute Nuntiaturam Apostolicam in civitate Dominica legitime  
condimus cuius rite sedes ibidem collocabitur. Ad novam vero hanc Nuntiaturam, uti addecet, singula officia deferimus  
ne non iura privilegia et indulta quae ad tales Apostolicae Sedis pertinent Legationes. Quae demum his Litteris ediximus  
statuimusque praeterea decernimus ut vim suam tam nunc quam tunc exserant. Contrariis rebus ne utquam  
adversantibus. *Datum Romae, apud Sanctum Petrum, sub anulo Piscatoris, die I mensis Septembris anno MCMLXXXI,  
Pontificatus Nostri tertio.* **AUGUSTINUS Card. CASAROLI, a publicis Ecclesiae negotiis** © Copyright 1981 -  
Libreria Editrice Vaticana

---